

TUSASS MUSICIMIK ATUISUNUT PIUMASAQAATIT

Qujanaq Tusass Musicimut soqutiginninnut. Tusass Musicimik atuineri piumasaqaatit ataani allasimapput ("**Atuisunut piumasaqaatit**").

1. NASSUIAATIT

Tusass Music	Tusassip appitut neqeroorutaata Androidikkut aamma IOS-ikkut aaneqarlunilu atorpeqarsinnaasup pineqartumi Imarisat periarfissaalersippai.
Atuisuuffik	Tusass Musicimik atuisinnaaneq qaammatikkuutaartumik ingerlasuuvoq.
Ulloq atuisuulertik	Ulloq taanna appikkut Tusass Musicimut atuisutut nalunaarsoruit atuutilissaaq.
Atuisut nalunaarsornerup atuutilertia	Atuisutut nalunaarsorninniit ullormi tassani atuutilersumik atuisuuffigisaq naatsorsorneqassaaq, apeqqutaanani atuisutut pisinersutit misilleeqqaarnermilluunniit toqqaasimanersutit.
Atuisuuffiup piffissami atuuffia	Tusass Musicersinnaanerit ullut 30-kkaarlugit atuuttarpoq, nammineerluni taanna ullut 30-issaanni nutartertarpoq.
Misiliineq	Tusass Musicimik misiliinerup iluani akiliisitsisoqarnaviannngilaq.
Atuisutut konto	Tusass Musicimut atuisunngorninnut atatillugu kontotaartissavatsigit. Atuisutut kontonni paasissutissaatit aamma Imarisanik atuinerit aqqissorsinnaavatit.
Isumaqatigiissut	Tusass Musicimut atuisuuffinnut atatillugu Tusassimik isumaqatigiissuteqarnerit atuisunut piumasaqaatit tunngavigalugit suliarineqarpoq qaqugukkulluunniillu nutarterneqartarsinnaalluni, taamatuttaaq aamma inuttut paasissutissanut politikkimut tunngatillugu.
Tusassimut akuersisummik tunniussisut	Tusassip saniatigut Imarisanut piginneqqaartussaataasut, Tusassip isumaqatigiissuteqarfigisimavai taamaasillutik ilinnut atorpeqarsinnaasunngortissinnaalerlugit.

2. TUSASS MUSIC AAMMA ISUMAQATIGIISSUTEQARNEQ

- 2.1 Tusass Music nipilersukkanik tusarnaagassanik kiffartuussiviuvuq nipilersukkat kalaallit Nunatsinnulluunniit arlaatigut attuumassuteqartut suliaat toqqaannartumik tusarnaarneqarsinnaalersillugit, taamatullu aamma assitaat ilanngullugit, soorlu nipilersukkat saqqaat ("**Imarisat**").
- 2.2 Tusass Musicimut atuisunngorniarlutit nalunaaruit atuilerlutillu Tusass A/S-imik, CVR: 17516345, Farip Aqqutaa 8, Postboks 1002, 3900 Nuuk, Kalaallit Nunaanniittumik ("**Tusass**", "**uagut**"). isumaqatigiissummik pituttorsimasumut akuersissuteqassaatit.
- 2.3 Isumaqatigiissutit imarai atuisutut piumasaqaatit aamma inuttut paasissutissat pillugit politikki.
- 2.4 Tusass Musicimik atuisunngorniarlutit nalunaaruit Isumaqatigiissutit imarisaanut akuersaassaatit taamatullu Isumaqatigiissummut pituttoqqasumut akuersillutit.

3. ATUISUTUT NALUNAARNEQ TUSASS MUSICILLU APPITAANIK ATUINEQ

- 3.1 Tusass Music Appitaata ("**App**") App Storekkut imalt. Google Playikkut aaneratigut taakkua aqquutigalugit appinik aallernermi, atulersitsinermi aammalu atuinermi piumasaqaataannik akuersissaatit, taakkualu atuarnissaannik innersuuppatsigit.
- 3.2 Tusass Musicimik Imarisaanillu atuinaraanni (i) 18-ileereersimassaait imaluunniit 13-it 17-illu akornanni ukioqarlutit angajoqqaavit taamatulluunniit akisussaasut akuersissutaannik pigisaqassallutit, aappaattut (ii) pituttoqqasumik uatsinnik isumaqatigiissuteqarsimassaait kiisalu (iii) Nunatsinni Danmarkimiluunniit najugaqarlutit. Neriorsuutigissavat paasissutissat Tusassimut immersukkatit tunniussatillu eqqortuullutillu tamakkiisuusut, kiisalu atuisuuffiup piffissami atuuffianut naapertuuttuusut.
- 3.2.1 Tusass Musicimi atuisunngoruit, aningaaserivimmi kontonniit DKK 1.00 akiliisarnissamut aaqqiissutitsinnit inniminnerneqassaaq, aningaaserivimmi kontoppit atuuttuunera qulakkeerniarlugu. Piffissap misiliiffiusup qaangiunnerani Atuisuuffik akilernerqarpat, imaluunniit kingusinnerpaamik inniminniinermit ullut 30-t qaangiuppata, inniminniineq unitsinneqassaaq.
- 3.3 Tusass Musicimik atuisunngoruit atuisutut konto pilersinneqassaaq, tassanilu illit pillutit paasissutissat pisariaqartinneqartut tunniutissavatit. Kontomut iserniaruit mobilivit normua atussavat tassungalu kode uppernarsaataasoq nassiunneqassaaq. Atuisutut kontot uppernarsarniarlugu aqqissorsinnaaniarlugulu paasissutissaatitit tassuuna iserfigisinnaassavagut.
- 3.4 Atuisutut kontoit atorneranut illit akisussaasuuvutit, tassunga aamma ilaapput paasissutissaativit eqqortuunissaannut insertuunissaannullu qulakkeerinninnissat, taamatullu aamma kodemut tunngatillugu. Appimik atuinermut tunngatillugu isumannaallisaanermik arlaatigut unioqutitsisoqassagaluarpat tamanna erngertumik uatsinnut nalunaarutigineqassaaq.

4. AKILIINEQ AAMMA MISILIINEQ

- 4.1 Tusass Musicimik atuisunngorniaruit Atuisuuffimmik qaammatikkaarlugit akilernerqartartumik pisissaatit. Atuisuuffimmik akiliineq qaammatit tamaasa siumoortumik pisarpoq, akiliinerlu ullormi atuisuuffiup aallartinnerata nalaani pisarluni.
- 4.2 Atuisuuffimmik misiliisoqarsinnaanera periarfissaavoq, taanna piffissaq Tusass Musicimik misiliiffiusoq akiliisitsinertaqanngilaq. Qaqugukkulluunniit piffissaq misiliiffiusoq unitsissinnaavarput allanngortilluguluunniit. Tamanna immikkut nalunaaqqaanngikkaluarluni pisinnaavoq Tusassimullu kinguneqartitsissutaasinnaanani.
- 4.3 Atuisunngornissamut tunngatillugu piffissamik misiliiffiusumut nalunaaruit akiliutip paasissutissartai allassavatit. Aatsaat taamaasiornikkut misiliineq aallartissinnaavoq, taamaattumik atuisunngornissat aalajangiutissagaluarukku akiliisarneq nammineerisamik aallartissaaq, akiliisitsinerlu ullormi nalunaarninniit atuutilersinneqassalluni. Misilinerup nalaani atuisunngorusunnginnerit paasigukku piffissap misiliiffiusup atuuffiata naannginnerani atuisuuffimmik taamaatsinerit isumagisariaqarpat.
- 4.4 Piffissap misiliiffiusup qaangiunnerani atuisuuginnarniaruit akiliummit immersukkannit nammineerisamik akiliisarneq aallartissaaq, taannalu qaammatit tamaasa nammineerisamik akiliutinnit nusutsisassaaq. Ulloq atuisutut nalunaarsuiffigisimasat naapertorlugu akiliisitsisarneq pisassaaq. Ulloq atuisunngornermik nalunaarsuiffiit eqqorlugu ullut 30-t qaangiunneratigut akiliisitsisoqartassaaq.

5. NUTARSAANEQ AAMMA TAAMAATITSINEQ

- 5.1 Atuisuuffiit piffissaq atuisuuffiup atuunnerata qaangiuffissaatigut nammineerisamik nutarterneqartassaaq, kisianni atuisuujunnaarnissamik immersuisimaguit tamanna nammineerisamik aamma unikkumaarpoq. Atuisuuffiit ugguuna taamaatissinnaavat: <https://music.tusass.gl>.
- 5.2 Atuisuujunnaarnissamut nalunaarnerit atuutilissaaq piffissap atuisuuffiusup naanerata aqaguani. Tassangaanniit Tusass Music atorsinnaajunnaassavat. Atuisuujunnaarlutit nalunaarnivit kingorna piffissap atuisuuffiusumut kingullermut akiliininnik utertitsisinnaangilagut, aatsaalli peqqissimisinnaatitaanerup atuunnerani taamaatitsisimaguit utertitsisinnaavugut.

6. PEQQISSIMISINNAATITAANEQ

- 6.1 Tusass Musicimut atuisunngorninniit ullut 14-it qaangiutsinnagit pisismanerit peqqissimissutigilissagalarukku tunngavilersueqqaanngikkaluarlutit allanngortitsisinnaavutit akiliutigisimasatillu utertillugit ("**Peqqissimisinnaatitaaneq**").
- 6.2 Peqqissimisinnaatitaaneq Tusass Musicimut atuisuulerninniit ulluni 14-ini tulliuttuni atuuttarpoq, tassani apeqqutaanngilaq Atuisunngorsimaneq imalt. piffissamik misiliiffiusumik atueqqaarsimaneq. Taassuma kingorna peqqissimisinnaatitaaneq atorunnaartarpoq.
- 6.3 Akiliutigisimasannik utertitsinermi akiliut atorsimasat atorlugu akiliutigisimasat utertissavarput.
- 6.4 Peqqissimisinnaatitaanerit atorussukkukku uunga allallutit attaveqassaatit music@tusass.gl, peqqissimisimaninnillu ilisimatitsillutit.

7. TUSASS MUSICIMIK ATUISINNAATITAANEQ AAMMA IMARISAI

- 7.1 Tusass Musicimik Imarisaanillu atuisinnaatippatsigit, tamannali killiligaavoq Imarisat tunniunneqarsinnaanatik ingerlateqqinneqarsinnaanatiluu ("**Atuisinnaatitaaneq**"). Tusassip Tusass Musicip Imarisai tuniniarsinnaanngilai tunniussinnaanagilluunniit. Tusassimut akuersissummik tunniussisut Imarisanut piginneqqaartussaataaneq piginnarpaat, tassunga apeqqutaanngilaq illit atortorissarutinniilersimanera, soorlu qarasaasianni, mobilinni, tabletinni, qarasaasiami angallattakkanni, nipiliutini assigisaaniluunniit. Matumuuna neriorsuutigaa akueralugulu Tusass Musicimik atuinerit taamaallaat ilinnut atuutissasoq, ingerlatitseqqiisinnaanngilatit imarisaanilluunniit allamut atuillutit siammarterillutilluunniit.
- 7.2 Atuisinnaatitaanerit atuutissaaq atuisutut taamaatitsinissavit imalt. Tusassip taamaatitsinissaata tungaanut.
- 7.3 Isumaqatigiissummik akuersinivit avataatigut aamma inatsisit atuuttut avaqqullugit Tusass Musicimut Imarisaanullu arlaannaatigulluunniit atuisinnaatitaanngilatit. Tusass Tusass Musicimut Imarisaanullu arlaannaatigulluunniit tunngatillugu pisinnaatitaaffinnik tunniussinngilaq, taamaallaat Isumaqatigiissutit iluani atuuttut iluanni atuisoqarsinnaavoq.
- 7.4 Tusass Musicimik Imarisaanillu atornerluisoqartillugu Tusass pisinnaatitaavoq mianersoqqussallutit aamma/imaluunniit ingerlaannaq atuutilersumik Tusass Musicip siunertaanut ("**Naapertuuttumik atuineq**") tunngavigalugu atuisinnaajunnaarsissallutit imalt. atuisuuffiit matussallugu. Assersuutigalugu ima pisoqarpat:
- (i) Tusass pasitsaassaqaruni Atuisuunerit allanut aamma atortittarit, taamaasillunilu allat Tusass Musicimik atuisutut nalunaarsorsimanatik illit pigisat atorpassuk.
 - (ii) Tusassip atuisunngorniarnarit itigartitsissutigisinnaavaa oqarasuaativit normua atuisunngorniarninnut atoreersimasat atogqinniaraluarukku. Taamaattoqarnerani

Tusassip pasitsaassinnaavaa Peqqissimisinnaatitaanermut periarfissaq atornerlullugu Imarisanut akiliinngikkaluarlutit iserniaqqikkaluarsimasutit.

- (iii) Tusass pasitsaassaqsarinnavaq Imarisat akornanni nipilersortartut Tusassimut akuersisummik tunniussisimasut isertitassaat taamaallaat eqqarsaatigalugit aalajangersimasunik appisimaartoqaqattaartoqarneranik.

- 7.5 Tusass Musicimut Imarisaanullu tunngatillugu isumaqatigiisummik piumasaqatinillu attassisinnaannginneq tunngavigalugu Tusass pisinnaatitaavoq mianersoqqussallutit, erngertumik atuisinnaajunnaarsissallutit imalt. atuisuuffiit matussallugu.
- 7.6 Suleqatigisat pingajuannut, soorlu open source softwaremut Tusass Musicimut ilaasut suleqatit pingajuannut akuersissutaasunut piumasaqaatit naapertorlugit atorneqsarinnatitsipput.

8. AALLERFIGINEQARSINNAASUT ATORTORISSAARUTILLU SULEQATIGISANEERSUT

- 8.1 Tusass Music ilinnut periarfissaalersinniarlugu appit, nittartakkat allallu kiffartuussissutit suleqatigisat kiisalu atortorissaarutit suleqatigisat pigisaat aqutigalugit Tusass Music aaneqsarinnalersinneqarpoq ("**Suleqatigisat aqutigalugit aallersinnaaneq aamma Atortorissaarutit**"). Suleqatigisanit atortorissaarutaannilluunniit iliuuserineqartut aamma taakkua imarisaat periarfissiisutaallu pillugit Tusass akisussaatinneqsarinnanngitsaq paasillugulu akuersissutigivat. Suleqatigisat aamma Atortorissaarutaat atorlugit aallersinnaaneq imalt. isumaqatigiissuteqarneq neqerooruteqartarnermilluunniit niueqateqsarinnaneq pillugu Tusass matumani Suleqatigisanut atortorissaarutaannullu naleqqussaalluni aaqqiiniasarisinnaanngilaq.

9. TUSASSIMUT PISINNAATITA AFFILIINERIT

- 9.1 Tusass Musicimik atuinnikkut pisinnaatippatsigut nittarsaassinermi imarisanik ussasaarutinillu assigisaanillu takutitsivigisassallutit. Taamatuttaaq aamma pisinnaatippatsigut suleqatigisatta taamaaliorinnaatinnissaannut.
- 9.2 Tusassip kiffartuussisarnerninut aamma neqeroorutigisartakkaminik nittarsaassinissaminut suliaqarnerninut atatillugu illit paasissutissaatinnik Tusass Musicimillu atuinnikkat katersisinnaanissaannik akuersivutit. Taakkua suliffeqarfiup iluani taamaallaat atugassaapput.
- 9.3 Tusass Musicimut Imarisaanullu tunngatillugu isumassarsiat, siunnersuutit uterfiginninnerillu Tusassimut anngussatit isertuussassatut isigineqassanngillat, aamma taamaaliornikkut Tusass pisinnaatissavat anngussavit killeqanngitsumik akueqanngitsumillu atorneqsarinnaneranik.

10. PILERSITANIK PIGINNITTUSSAATITAANEQ

- 10.1 Suulluunniit pilersitanut piginnettussaataffaifiit, taaguutit soqutigisallu Tusass Musicimut attuumassuteqartut, matumani aamma meqqit, kiffartuussissutit meqqii, ilisarnaatit, oqaasinnaat, suliffeqarfiit atii, nittartakkat atii, Tusass Musicimut ilisarnaataasut allat imalt. tassunga ilisarnaatitut atornerqartut ("**Tusass Musicimut ilisarnaataasut**") taamaallaat Tusassip Tusassimulluunniit akuersisummik tunniussisup pigaat. Isumaqatigiisummik akuersinikkut Tusass Musicimut ilisarnaataasunik arlaannaatigulluunniit atuisinnaalersinngilaatit, niuernermut attuumappat niuernerngikkaluarpalluunniit.
- 10.2 Suulluunniit pilersitanut piginnettussaataffaifiit, taaguutit soqutigisallu Imarisanut attuumassuteqartut, matumani piginneqqaartussaataanerit, meqqit ilisarnaatillu taamaallaat Tusassip Tusassimulluunniit akuersisummik tunniussisup pigaat. Isumaqatigiisummik akuersinikkut Imarisanut arlaannaatigulluunniit atuisinnaalersinngilaatit, niuernermut attuumappat niuernerngikkaluarpalluunniit.

- 10.3 Isumaqatigiisummi akuersinikkut Tusass Musicimik Imarisaanillu atugaqarlutit pilersitsisinnanissamut, saqqummersitsisinnanissamut, koperisinnanissamut, tuniniaaqqissinnanissamut saqqummersitsisinnanissamulluunniit akuersaanngilatit. Taamaallaat Isumaqatigiissuttip iluani illit Tusassillu akornanni isumaqatigiissutaasut allakkatigut pisut atuupput.

11. PIFFISSAQ AAMMA UNITSITSINEQ

- 11.1 Isumaqatigiissut atuutilissaaq ullormi Tusass Musicimut atuisutut nalunaarsorfigisanni, taannalu atuutissaaq piffissaq atuisuuffiup killigitataata tungaanut imaluunniit atuisutut taamaatitsinissavit tungaanut imalt. piumasaqaatini allassimasut naapertorlugit.
- 11.2 Qaqugukkulluunniit Tusass Musicimik atuisuunerit unitsissinnaavat, taamaasiorsinnaavutit Tusass Musicip appitaata peerneratigut unitsinneratigullu.
- 11.3 Qaqugukkulluunniit Isumaqatigiissut piumasaqaatit imm. 5-imiittut naapertorlugit unitsissinnaavat.
- 11.4 Tusassip Atuisuuffiit qaqugukkulluunniit taamaatissinnaavaa peqqutini nalunaarutigeqqaanngikkaluarlugu aamma sioqqutsisumik ilisimatitseqqaanngikkaluarluni, matumani aamma atuuppoq (i) Isumaqatigiisummik malitsitsisimassanngikkaluaruit; (ii) Tusassip Tusass Musicimik Imarisaanillu atornerluisutut, sianiinaarisutut peqquserluttutulluunniit pasitsaatissagalarpatit; (iii) Tusassip atuisutut kontot atorlugu unioqqutitsininnik pasitsaatissagalarpatit. Tassunga tunngasut sukumiinerusut imm. 7-imi allaqqapput.
- 11.5 Tusass illit Atuisuuffigisannik taamaatitsissagalaruni akiliuteqartarnermut tunngatillugu nammineerlutit taamaatitsinittut piumasaqaatit imm. 5-imi allassimasut atuutissapput.

12. AKISUSSAAFFIK AKISUSSAAFFIMILLU ATORUNNAARSITSINEQ

- 12.1 Tusass Music taamaanneratut itsillugu atorsinnaalersinneqarpoq atortuinut, atorsinnaaneranut pissarsiarineqarsinnaanerannullu tunngatillugu qularnaveeqqusigaanani.
- 12.2 Arlaatigut illit Tusass Musicimik atuisutut annaasaqarninni Tusass akisussaatinneqassagalarpat tamanna ukununga killiligaavoq (i) toqqaannanngitsumik annaasanik taarsiiviginnittoqarsinnaanngilaq, matumani aamma datanut annaasanut taarsiisoqarsinnaanngilaq, (ii) annaasalli taarsiivigineqarsinnaaneri 1.000 kr-mut killiligaapput; aamma (iii) taamaallaat tamanna piumasarineqarsinnaavoq Tusass mianersuaalliorluni piaaraluniluunniit iliuseqarsimappat.
- 12.3 Siuliini allaqqasut akisussaaneq pillugu malittarisassanik inatsimmik atuuttumik saneqqunneqarsinnaanngitsumut killiligaapput.

13. PISSARSIASSAANERA AAMMA ALLANNGUUTIT

- 13.1 Tusass Musicip sapinngisamik ajunngitsumik atorsinnaanissaa qulakkeerniarlugu atortuinik pioreersunik nutaanillu pitsanngorsaaniarluta, imaluunniit ingerlatsinermut, isumannaallisaanermut inatsiseqarnikkulluunniit tunngasuni pitsanngorsagassaqartillugu Isumaqatigiisummik allannguutitik suliaqarsinnaasarpugut.
- 13.2 Tamatuma saniatigut Atuisuuffiit atuuttut allanngortinnissaannik taamaatinnissaannilluunniit pisinnaatitaavugut, matumani akitigut allannguutit piffissallu misiliiiffiusup iluani piumasaqaatinik allannguisinnaalluta.
- 13.3 Isumaqatigiisummut tunngatillugu annertuunik allannguisoqartillugu periuseq naleqquttoq atorlugu ilisimatinneqartarumaarputit, ass. Tusass Music appiatigut nalunaarutisinikkut.

Taamaaliortoqarneratigut Tusass Musicimik atuiinnarnerit ingerlakkukku allannguummik akuersisimasutut isigissavatsigit.

13.4 Isumaqatigiisummut tunngatillugu allannguutini akuersaassanngikkaluaruit Atuisuuffinnik piffissaq eqqorlugu taamaatitsissaatit. Tamanna pissaaq Isumaqatigiissutit nutaap atuutilinnginnerani uunga allallutit music@tusass.gl.

13.5 Tamatuma saniatiguttaaq aamma imminut pisinnaatippugut Tusass Musicimik allannguisinnaalluta imaluunniit unitsitsisinnaalluta.

14. MAALAAARUTIT

14.1 Tusass Music pillugu maalaaruteqarusukkuit e-mailikut toqqaannaq allassinnaavutit uunga music@tusass.gl, qinnuigissavatsigit maalaarutivit suunera ersarissumik sukumiisumillu allasagakkut qanoq iliornissatsinnillu kissaatit ilanngullugu allallugu.

14.2 Maalaarutit aamma Atuisartut Pisisartullu Maalaarutaannik Aalajangiisartunut ingerlateqqissinnaavat. Ugguuna paasisaqarnerugit: <https://aqa.gl/ka/atuneq/>

15. INATSISIT TUNNGAVIGISAT

15.1 Isumaqatigiisummi matumani Tusass Musicimillu atuneq kiisalu Tusass Musicip appitaa Nunatsinni inatsiseqarnerup iluani inissisimapput.

16. SAAFFISSAQ

16.1 Tusass Music imalt. Isumaqatigiissut pillugu apeqqutissaqaruit Tusassimi atuisunut sullissivik saaffigisinnaavat:

Tusass A/S

CVR: 17516345

Farip Aqputaa 8

Postboks 1002

3900 Nuuk

Kalaallit Nunaat

music@tusass.gl.

TUSASS MUSIC-IMI PODCASTINUT SAQQUMMIISARTUNULLU PIUMASAQAATIT

1. Ilisarititsineq

- 1.1. Tusass A/S, cvr.nr. 17516345, Farip Aqqutaa 8, 3900 Nuuk, Kalaallit Nunaat ("**Tusass**") Tusass Music aqqutigalugu podcastinik teknikikkut saqqummiisarfimmik siaruaassutaasinnaasumik qiningasiivoq.
- 1.2. Uku piumasaqaatit ("**Podcastinut piumasaqaatit**") inunnut inatsisilerituunulluunniit Tusass Music-imut podcastimik ikkussisuusunut ("**Podcastimik suliarinnittoq**") tamanut atuupput, taamatullu Tusass Music-imut saqqummiisarfittut atugaaneranut tunngatillugu attuumassutilinnut atuinermullu atuullutik.
- 1.3. "**Podcast**" ima paasisassaavoq, nipinik tulleriiartunik tusagassiaasunik, tassuunalu meta-kkut paasisutissatigut attuumassusilinnik, RSS-feed-itigut imaluunniit allatigut teknikikkut nuussisarfikkut Tusass Music-imik atuisuusut.
- 1.4. Tusass Music-imut podcastimik attuumassuteqarnikkut, Podcastinut piumasaqaatit uku Podcastimik suliarinnittup akuerisimassavai.
- 1.5. Tusass Music-imik atuinermit Atuisunut piumasaqaatit atuupput. Podcastinullu piumasaqaatit taakkununga tapiissutaallutik Podcastimillu suliarinnittunut immikkut attuumassuteqarlutik. Arlaatigullu Podcastinut apeqquteqartillugu imaluunniit ataqatigiinngitsoqartillugu uku Podcastinut piumasaqaatit sallinneqassallutik.

2. Akisussaanerup avissimanera, isumaqatigiissusiorneq atuinermullu killerititaasut

- 2.1. Tusassip saqqummiisarfimmik qiningasiinermigut arlaatigulluunniit akiliisussaataitanermik periarfissiinngilaq. Tusass Tusass Music-imi Podcastinut aaqqissuisutut, saqqummiisutit imaluunniit imarisaanut sukkulluunniit attuumassuteqanngilaq. Tusassilli atorsinnaassutsimik pitsaasumik pilersitsinissani sulissutigissavaa, tamatumunngali qulakkeerisinnaannani. Tusass arlaatigut teknikikkut ajortoortoqartillugu, qamittoortoqartillugu, kipisoqartillugu, nutarterisoqartillugu, teknologitigut allagannguisoqartillugu, inuup aqussinnaanngisaanik pisoqartillugu tamatumani ajunaarnersuaqartillugu, suliumanngitsoqartillugu imaluunniit arlaatigut Tusassip piginnaasa avataatigut pisoqartillugu piffissap ingerlanerani akunnattoorfiit akisussaaffiginnilai.
- 2.2. Tusass Music pingajuusumit suliaqartumit ingerlanneqarpoq. Tusass Musik-ikkut Podcastimik saqqummiinikkut Podcastimik suliarinnittup Podcasteq pingajuusumut takutinissaa akuersaassavaa.
- 2.3. Tusass Podcastimik Tusass Music-imut ikkussinermi teknikikkut, soorlu Format-iatigut pitsaassusaatigullu piumasaqaateqarsinnaatitaavoq. Piumasaqaatillu taakku qaqugukkulluunniit allanngortinneqarsinnaapput.
- 2.4. Tusass Podcastinut pissamaatinik imaluunniit toqqorsinermik qulakkeerisinnaanngilaq.

- 2.5. Tusass Music-imut Podcastimik ikkutsinniarnermi 18-niliisoqareersimassaaq. Tamatumunngalu atatillugu Tusassimit piumasarineqarpat Podcastimik suliarinnittut tamassumunnga naammassinninnerminik uppersaammik tunniussisussaataassaaq. Tusassillu Podcastimik suliarinnittuusumut ukiukinneranut tunngatillugu pasitsattoqassappat, Tusassimut akisussaassusiliinngitsumik Podcastilerisumik suleqateqarneq unitsikkallarnejarnissaanik, Podcastip peernejarnissaanik piginnaatitaavoq.
- 2.6. Podcastimik sulialiup Podcastip imarisaanut inatsisitigullu naapertuunneranut, tamatumunnga ilaatigut oqaaserisanut, isummanut, piginnaassutsinut, ussassaarutinut, aningaasaliisunullu tunngatillugu kisimi akisussaassuuvuq.
- 2.7. Podcastimik suliarinnittup Podcastilaminut Tusass Music-imut ikkussimasaminut imarititai sukkulluunniit tigussaangitsumik pisinnaatitaaffitigut, piginnittuussutsimut tunngatillugu, nipilersuutitik ussassaarutiginnikkut piginnaasat malinneqarnerat akuerineqarsimanerallu qulakkiissavaa. Podcastimillu suliarinnittup taamatut suliaqarnermigut akuersissutitik uppersaataasunik ass. ilaasuniit akuersissummik piginnissimanissi qulakkiissavaa.
- 2.8. Podcastimillu suliarinnittup Tusass Music aqqutigalugu Podcastilaminik, inuup allap piginnaatitaaffiit, piginnittuunermut piginnaatitaaffiit, tuniniagaatigut piginnaatitaaffiit, tigussaangitsumik piginnaatitaaffiit allatigulluunniit ajoqusiisinaasunik imaqqannginnissaa qulakkiissavaa, taamatuttaaq inuup paasissutissaanik tunngatillugu suliaqarnerminik eqquuttumik, inatsisitigullu malinnilluni suliarinnissimanissi qulakkiissavaa.
- 2.9. Podcastimillu suliarinnittup arlaatigut nipilersuutitigut atorsimasaminik allanilluunniit imaritissimasaminik akuersissutaasoq naapertorlugu ulloq killerititaq qaangeriartulerisimatillugu Tusassimut nalunaartussaataani ilisimassavaa. Akuersissutit qaangiutinnginnerani tamanna pillugu nalunaarneq pereersimassaaq.
- 2.10. Podcastimillu suliarinnittup arlaatigut inuup allap pingajuusup piginnaatitaaffiit, taakkunani ass. tunisassiaasup saqqummiunneranut, piginninnermut piginnaatitaaffiit, imaluunniit inuup paasissutissaanik suliarinninnermi naapertuunngitsumik qaangiisimanermigut paasisaqartilluni erngetumik Tusassimut nalunaarnissani akisussaaffigaa.

3. **Piginnaatitaaffiit akuersissutillu**

- 3.1. Tusass Music-imut Podcastimik ikkussinermi Podcastimik Suliarinnittup Tusassimut Kismaassinnginnermik, ingerlateqqinneqarsinnaasumik, nunani tamalaani atuuttumi, atuinnermi akiliinertaqqanngitsumik, piffissamik killiligaanngitsumik akuersissummik tunniussisaaq tassani ilanngullugu:
 - (a) Tusass Music aqqutigalugu Podcastimik takutitsineq, ingerlaartitsineq siammaanerlu,
 - (b) Podcasti ingerlatsinnermut atatillugu illersorsinnaatillugulu, toqqorsineq, cache-ersuineq aammalu teknikikkut suliarineqarsinnaanera aammalu
 - (c) Tusass Music-ikkut nittarsaassiniarnermi Podcastip aqqa, assia, nassuiaataa metadata-nillu allannguisinnaaneq.

- 3.2. Akuersissullu taanna Tusass Music-ip suleqataanut pingajuusumuttaa atuuksinneqarpoq.
- 3.3. Akuersissut Podcastimik suliarinnittumit qaqugukkulluunniit, sapaatip akunneri marluk sioqqullugu atuukkunnaartinneqarnissaa nalunaarutigineqarsinnaavoq.
- 3.4. Akuersissut Podcastimut Podcastilluunniit imarisaanut piginnittussaataitaanermik imaluunniit tiguassaangitsumik piginnaassutsimik tunniussisuunngilaq.

4. Imarisamut sinaakkutit (Content policy)

4.1. Podcastip ima imaqaqqusaanngillat:

- (a) Unioqqutitsisunik.
- (b) Kanngusaarisunik, nakkarsaasunik, immikkoortitsisunik imaluunniit ajoqusiiniartunik.
- (c) Inuup pingajuusup pisinnaatitaaffianik, tamatumani piginnittussaataitaanermi allatigullu tiguassaangitsumik pisinnaatitaaffisigut ajoqusiisunik.
- (d) Inuup paasissutaanik suliarinninnermi malittarisassanik unioqqutitsineq.
- (e) Toqqorsimasumik ussassaarineq, imagassanut tupanut imaluunniit imanut allanut nittarsaassinermut inatsisitigut unioqqutitsisunik nittarsaassineq.
- (f) Imarisat Tusassimut, Tusass Music-imut imaluunniit atuisunut ajoqutaasinnaasut.

4.2. Podcastimik suliaqartup Podcastimut ussassaarutit imaluunniit aningaasatigut tapiissutit inatsisitigut imaluunniit nittarsaassinikkut inatsisitigut malinnitsillugit ilanngussinnaatitaavai.

4.3. Tusassip imarititaasuni Podcastimik suliarinnittumit pingajuusumiillu isumaqatigiissutaasimasunit, aningaasatigut tapiissutinik, ussasaarinnermik allatigulluunniit isumaqatigiissutaasimasunik akisussaaffimmik tiggumisaqartuunngilaq.

Tusassip uku piumasaqaatit imarisaat nutarterneqarsinnaanissaannik naliliisarumaarpoq. Tusassillu Podcastimik suliaqartup imarisamut sinaakkutinit unioqqutitsisimasorippagu, Tusassip Podcastimik peersissinnaanera matumanilu ataasiakkaat aallakaatitaasut peersinnaaneranut, unitsitsinnaaneranut imaluunniit piumasaqaatinit imm. 5 naapertorlugu Podcastimik suliaqartoq peersissinnaavaa.

5. Peersineq, unitsitsineq, Ilaatitsiunnaarneq aamma naaneq

5.1. Tusassip Podcastit ataasiakkaat aallakaatitaasut nalunaaruteqaqqaarani peersinnaatitaavoq, unitsitsinnaavorlu Podcastimik suliaqartoq imaasorsimatillugu:

- (a) Podcastinut piumasaqaatinik unioqqutitsisaqattaarsimaneq imaluunniit annertuumik unioqqutitsisimaneq,

- (b) Atuisunit imaluunniit pingajuusumit uteqattaartumik imaluunniit ilungersunartumik naammagittaalliortoqarsimatillugu, imaluunniit
- (c) Tusassimut annertuumik annaasaqataasimatillugu, tamatumanilu inatsisitigut, niuernikkut imaluunniit tusaamasaassutsimut ajoqutaasinnaasumik iliuuseqartoqarsimatillugu.

- 5.2. Tusassip Podcastit imarisamut sinaakkusini imm. 4-miittunit unioqqutitsisut peersinnaatitaavaai.
- 5.3. Tusassip Podcastit, tamatumanilu allakaatitat ataasiakkaat, peerneqavinnissaanut tassuunalu suleqateqarunnaavinnissamut tunngavissaqarnerisq misissorneqarnerani, utaqqiisaagallartumik Podcastimik suliaqartumik suleqateqarallarunnaarsinnaatitaavoq.
- 5.4. Tusassillu qulaani taaneqarsimasut saniatigut peersitsiniarnermi Podcastimik suliaartumut qaammammik ataatsimik sioqqutsilluni Tusass Music-imiiit peersitsiniarnini nalunaarutigisinnavaa.
- 5.5. Podcastinillu suliaqartut Tusassimut peersitaanermut, suleqatigineqarunnaarnermi imaluunniit saqqummersitsinneqarnermit unitsinneqarnermut atatillugu piumasaqarsinnaanngilaq.
- 5.6. Tusass Podcastinik tigumminnittussatut akisussaasuunngilaq, taamaasillunilu Tusass Music-imiiit peersitaanermut atatillugu arlaatigut annaasaqartoqartillugu akisussaasuutitaasinnaannani.

6. RSS-feed-it imarisallu pingajuaneersut

- 6.1. Podcastit Tusass Music-imut RSS-feed-it imaluunniit pingajorisamik aqquteqartillutik ikkunneqartassapput.
- 6.2. Tusassip saqqumisitsinissaq, aalakkaasumik imaluunniit feed-ini taamaattuni imarisat qulakkeersinnaanngilai, tamatumanilu ilaalluni pingajuusup kukkussutai imaluunniit attaveerunneri.
- 6.3. Tusassip Podcastit Tusass Music-imut ulloq taanna ikkunneqarnerminni saqqummersinnaanissaat qulakkeersinnaanngilaa.

7. Paasissutissat illersugaanerat

- 7.1. Tusassip Podcastini imaasut aqutarinngilai, taamaasillunilu arlaatigut inuup paasissutissaanik saqqummiisoqartillugu akisussaasuusinnaanani.
- 7.2. Podcasteq inuup paasissutissaanik imaqarpat, Podcastimik suliarinnittoq tamaanga akisussaataaassaaq. Podcastimillu suliarinnittut tamatigut inuup paasissutissartaanik suliarinninnerup inatsisitigut malinninneranik tassuunalu Nunatta avataani saqqummiunneqassappat nunani tamalaani paasissutissanik isumannaallisaanermut illersuineri malittarisassanik malinninneranik qulakkeerinneqqarsimasussaataaassalluni.
- 7.3. Tusass Music-imut Podcastinik ikkussisinnaalernermi Podcastimik suliarinnittup ilisimassavaa, Podcastit MNunatta avataani pingajuusumit saqqummiunneqarlutillu tigummineqarsinnaanerat.

- 7.4. Tusass Podcastimut tunngatillugu teknikikkut ingerlatsinermullu atatillugu, tamatumani Tusass Music-imut ingerlatsinermut atatillugu logfil-inut naatsorsuinermullu tunngaveqarsinnaasunik suliaqarsinnaatitaavoq. Tusass paasissutissanik taamaattunik suliarinninnissaminut Inuttut namminertut inuuneqarneq pillugu politikki atuuttut Podcastimik suliaqartup akuerisimasai naapertorlugit suliarinnissaaq.

8. Akisussaaffimmut sinaakkusiussaq torinngisimaarnerlu

- 8.1. Tusassip Podcastip imaanut, tamatumani oqaaseqaatinut, ussassaarutitut, aningaasatigut tapisianut imaluunniit pingajuusumit issutsinik akisussaasussanngortinneqarsinnaanngilaq.
- 8.2. Podcastimik suliaqartup Tusass Music-imik atugarinninneranut atatillugu arlaatigut annaasaqarsimanerani Tusass akisussaasussaatitaasinnaanngilaq, aatsaalli Tusass-imit arlaatigut ingasattumik sissuinnginnermiit piliaasimatillugu. Toqqaannanngittumilli annaasaqartoqarsimatilluguluunniit Tusass qanorluunniit akisussasuutitaasinnaanngilaq, tamatumani ilanngunneqarput, malinnaasukinnerulerneq, ingerlatsinermut annaasaqarneq, isertitatigut annaasat imaluunniit Podcastimik suliaqartup Tusass Music-imik atugaqalersimanermigut atatillugu tusaamaneqarnermut arlaatigut innarligaasimaneq.
- 8.3. Podcastimik suliaqartup iliuuserisaata malitsigisaanik, Podcastimik suliaqartup Tusass Music-imut attuumassuteqarneragut tunngavilimmik, imaluunniit piumasaqaatinut ukununga unioqqutitsinermigut, tassani aamma tigussaannngitsumik pisinnaatitaaffinnik aammalu inuup paasissutissaataanik suliaqarnermi malittarisassanit inatsisinilluunniit unioqqutitsisimanermigut ilaallutik, Tusass arlaatigut annaasaqartissimaguniuk, ajoqusersimappagu, aningaasartuutaasimaguni, tamatumani eqqartuussivimmut ingerlateqqinneqarsimasunit inatsisilerituumik ikiorserneqartariaqarsimanermut aningaasartuutaasimasunut tamanut Podcastimik suliarinnittoq akiliisussanngortitaassaaq.

9. Naammangittaalliutit, inatsisinik atuineq eqqartuussivimillu suliaasiineq

- 9.1. Podcastimik suliaqartup Tusass Music-imiit peersitaasimanermigut, unitsitaasimanermigut, suleqatigineqarunnaarsimanermigut imaluunniit aallakaatitassiaq ataaseq peerneqarsimanerani tunngatillugu naammagittaalliorniaruni allakkatigut naammagittaalliorsinnaatitaavoq. Naammagittaalliut kingusinnerpaamik aalajangiunneqarsimasup nalunaarutigineqareernerata piffianiit ullut 14-it qaangiussimatinnagit pereersimassaaq.
- 9.2. Naammagittaalliutit emailikkut nassiunneqassapput uunga music@tusass.gl.
- 9.3. Uku Podcastinut piumasaqaatit Kalaallit Nunaanni inatsisaasunit tunngaveqarput.
- 9.4. Piumasaqaatinut ukunanit aalaavilerlutik arlaatigut killormut sangutitsisoqassagaluarpas, Kalaallit Nunaanni Eqqartuussivimmit tunngavilerneqaaqqaartariaqassapput.

10. Allannguutit

- 10.1. Tusassip ingerlaavartumik piumasaqaatinik allannguisinnaatitaanini erseqqissarpaa.

- 10.2. Arlaatigulli Podcastimik suliaqartup piginnaatitaaffiisigut allannguinnermit eqquisoqassatillugu, siusissukkut nalunaarutigineqartarumaarput.
- 10.3. Allannguisoqareersillugu sulii podcastinik saqqummiisarnerup allannguutini nutaajusunut akuersisimasutut inissisimanermik takutitsisuusaaq.